



### Шерге кундем

Мый Килемар районысо Визимйарыште шочынам. Вара авам дене Куженер районысо Кокшародо ялыш илаш толынна. Тиде ял кугорно ўмбалне верланен. Изи пўя уло, тушко ме телым мунчалташ коштына, кенежым колым кучена. Мыланем тиде кундем эн шерге. Мотор пўртўс, поро да пашаче калык коклаште куанен илем. Тыште мыйын йолташем-влак улыт.



**Вова ИЛЬЯКОВ.**  
Куженер район.

### Марий шўлышан Унчо вел

Унчыш унала миен лектат гын, шкендым шочмо марий калыкетын юзо тўняшкыже логалше эн пиалан айдемылан шотлен кертат. Ямле пўртўсшак мом шога! Ял покшечын Янык памаш йоген эрта, этнографий тоштер ден каныме тўвыра комплекс ялым сўрастарат. «Передовик» ялзозанлыкын паша лектышыже куандара. Тыштак марий шўлышым арален кодымашке кугу надырым пыштыше Геннадий Савельевич Григорьев ила. Шочмо калыкын тўвыражым виангыдмаште, Морко мландын тўзлаен толмо корныжым уэмдымаште ты талешкын суапше шотлен пытарыдыме.



Морко район Коркатово лицейын тунемшыже-влак Унчо этнографий тоштерыште лийыныт. Юлия АНИСИМОВА экспонат (шепка) воктене шога. Тоштерыште аралалтше вургемым чиен.

**Е.В.ГРИГОРЬЕВА.**  
Морко, Шўргыял.

**Ю.АНИСИМОВА** колтен. Фотом

### Марий Эл

**Реп  
семьн**

Картыштына  
Марий Эл  
Кугу огул, изи вел.  
Рўдола - Йошкар-Ола.  
Верлавеныс Чуваший,  
Татарстан ден йыгыре  
Кугу Юл эгер воктен.  
Кундемыште - 14 район,  
Шуко ял, села.  
Ныл чатка ола:  
Йошкар-Ола, Волжск,  
Звенигово, Козьмодемьянск.  
Марий Эл поян:  
Кушкен мотор  
Ужар чодыра.  
Ила тўрлў кайыквусо,  
Шочеш шуко емыж-саска.  
Келшен илат  
Марий, чуваш,  
Татар да руш  
Икоян енла.  
Эмилия АЛЕКСАНДРОВА.  
Морко, Коркатово.

### Шым ер

Шемьер ял мотор верыште шинча. Тораштак огул воштончыш гай йылгыжше ер коеш. Тудын йырже нўллў, писте, тумо, шопке кушкыт. Ятыр ий ожно сурт-пече-влак чодыра коклаште шинченыт. Ял улмым агытан муро йўк гыч веле тогдаш лийын. Ты кундем ерлан поян. Калык, ик ерым весыж дене танастарен, лўмым пуэден. Мочылалык кўрым оптымо ер Мочылаер лийын. Поканьер ден Чылдывиер нерген ойлаш йўсў. А Килоерын лўмжў Килей патыр дене кылдалтын. Кугыер ден Изииерлан лўмым кугытыштым ончен пуэныт. Ожнырак куд ер лийын, а вара эше икте ешаралтын. Санденак тудын лўмжў - Уер.



**Иван КОШАЕВ.**  
Волжский, Пўтгьял.

Вер-шўр айдемын шўм-чонжым пойдараш чот полша.  
**Валентин КОСОРОЖЛОВ.**

Пўртўс дене айделе семьнак коаж кўлеи.  
**Маклай РЫБАКОВ.**